

- «masque, Karnasque Kripasque bellorum profligator, Asvat-  
 9. »thâman, Vikarnasque, nec non Saumadattis, aliique  
 »multi heroës, mei gratia animae prodigi, varia tela coruscan-  
 10. »tes, omnes proeliorum gnari. Non satis idoneus est hic  
 »noster exercitus, cui Bhîshmas imperat; idoneus vero iste  
 11. »illorum exercitus, cui Bhîmas imperat. At per tramites  
 »aciei cunctos secundum ordines collocati Bhîshmae utique  
 12. »opem ferunto procures nostri, quotquot sunt.« Illius ani-  
 mos excitaturus grandaevus Kuruidarum progenitor, leonino  
 13. rugitu clare insonans, concham inflavit vir excelsus. Tunc  
 buccinaeque, tympanaque, cymbala, cornua, tubae subito ictu  
 14. concrepuere: is clangor tumultus instar fuit. Tunc in cur-  
 ru ingenti candidis equis iuncto stantes, Madhuis occisor et  
 15. Panduides, conchas suas coelestes inflavere: ille, sensuum  
 domitor, Giganteam; hic, opum contemtor, Theodoten. Mag-  
 nam concham, Arundineam nomine, inflavit Bhîmas, ab ausis  
 16. horrendis dictus, lupinis visceribus; Triumphatricem Yud-  
 hishthiras, Kuntidis filius; Nakulas Sahadêvasque Dulcisonam  
 17. et Gemmifloream. Kasidisque rex arcitenens, et Sikhandin,  
 magno curru invectus, Drishtadyumnas, Viratasque Satyakis-  
 18. que semper invictus, Drupadas Drupadidisque nati undi-  
 que, o terrarum domine, Saubadrasque validis brachiis, con-  
 19. chas inflavere singuli singulas. Dhritarâshtridarum corda  
 laceravit concentus iste, tumultu coelum terramque perso-  
 20. nante. Tunc, visis Dhritarâshtridis in acie dispositis, si-  
 miae effigiem in vexillo gestans Panduides, quum iam tela  
 21. intervolutarent, arcum expromsit, et illico Krishnam his ver-  
 bis alloquutus est, o terrarum domine: »In utriusque agminis  
 22. »intervallo currum siste mihi, o Dive! donec istos perlustra-  
 »vero pugnandi cupidos in acie constitutos, quinam sint, qui-